



**LEMBAGA PELESENAN KENDERAAN PERDAGANGAN SABAH**  
TINGKAT 4, BLOK C & D, KOMPLEKS KWSP  
49, JALAN KARAMUNSIING  
88000 KOTA KINABALU, SABAH

☎ : +6088 – 238 244/5/6  
☎ : +6088 – 238 144  
🌐 : <http://lpkpsabah.gov.my>  
📘 : [www.facebook.com/lpkpsbh](http://www.facebook.com/lpkpsbh)

Ruj. Kami : LPKP.SBH.600-3/3/3926/2

Tarikh : 13 Oktober 2021

## **PENGUSAHA PENGANGKUTAN AWAM RENTAS NEGERI**

Tuan,

### **PEMATUHAN SOP BAGI PERJALANAN RENTAS NEGERI**

Sepertimana pengumuman YAB Perdana Menteri, Dato' Sri Ismail Sabri Yaakob pada 10 Oktober 2021 bahawa aktiviti rentas negeri dibenarkan berkuatkuasa 11 Oktober 2021 di seluruh negara.

2. Lembaga Pelesenan Kenderaan Perdagangan (LPKP) Sabah ingin mengingatkan kepada operator-operator pengangkutan awam seperti pengusaha bas ekspres, teksi, kereta sewa dan e-hailing agar tidak leka serta sentiasa mematuhi Prosedur Operasi Standard (SOP) yang ditetapkan Kerajaan di bawah Pelan Pemulihan Negara (PPN).

3. Semua operator perlu memastikan setiap pemandu telah lengkap divaksinasi bagi perjalanan rentas negeri. Semua operator juga perlu memastikan setiap penumpang pengangkutan awam menunjukkan sijil vaksinasi bagi membuktikan mereka telah lengkap divaksinasi sebagaimana yang dikehendaki dalam SOP bagi tujuan rentas negeri.

4. Pematuhan-pematuhan SOP lain seperti memakai pelitup separuh muka dan kerap mencuci tangan atau menggunakan cecair pembasmi kuman (*hand sanitizer*) juga perlu dipatuhi tanpa kompromi. Para pengguna pengangkutan awam turut digalakkan membuat ujian saringan COVID-19 sendiri sebelum memulakan perjalanan rentas negeri bagi melindungi diri sendiri, keluarga dan orang di sekeliling.

5. Perjalanan rentas negeri di Negeri Sabah adalah tertakluk kepada kebenaran daripada Kerajaan Negeri Sabah.

Sekian, terima kasih.

**“WAWASAN KEMAKMURAN BERSAMA 2030”**

**“BERKHIDMAT UNTUK NEGARA”**

Saya yang menandatangani amanah,

**(NORSIAH BINTI PATAH)**

Pengarah

Lembaga Pelesenan Kenderaan Perdagangan  
(LPKP) Sabah